

I. B L A E V
L E C T O R I
S A L V T E M.

 Vam tibi, Lector, cum annis abhinc aliquot Angliam producerem, obligaveram fidem, scilicet post editionem Theatri Urbium Belgicarum, me Scotiam daturum, ea me nunc libero; Ecce illam una cum Hibernia, quintam Atlantis nostri partem. Hanc prudentiæ ac benevolentiae tuæ dedico, ut his veluti secundis subvecta ventis naviget, imo & volitet per ora virum tui simillimorum, apud quos tum cognoscendi tum ignoscendi locus. Opus enim est plane novum quod tuis nunc primum oculis usurpatur; coaluit ex variorum industria & labore; non enim unius est onus Atlantis, qui totum Terrarum fert Orbem, vel in parte sustinere. quid singuli fecerint edisseram: Timotheus Pontius patria Scotus omnem late Scotiæ regionem peragravit, curiosius singula oculis lustravit, & in tabulas aliquot rudes illas adhuc quidem, ut sunt omnes labores initio imperfecti, redegit. Ioannes Scotus Scoto-Tarvatus cum has, tum alias, quæcumque inter manus variorum vagabantur, mira solertia collegit, & veluti sacras ex naufragio ad me misit; laceras me hercle & multum deformes. Has ego concinnavi, sæpe quæ una & confusa erat in plures distinxi. Accessit hic Gordoniorum Roberti & Iacobi ultima manus, qui præter correctiones in Timothei tabulas etiam suas aliquot,